



Sesida dals

Communitgà ils

Protocol nr.

28 da favrer 2017

2 da mars 2017

184

Incumbensa Claus

concernent la reintroducziun da la classa d'introducziun en il chantun Grischun

Resposta da la regenza

Uffants na sa sviluppan da natira ennà betg tuts tuttina svelt. Il mument ch'els entran en scola demussan els differenzas en il svilup ed han differentas situaziuns da partenza en quai che concerna l'emprender. Scholaras e scholars che n'èn betg stads cumplettaimain capabels da suandar las pretensiuns da la scola il mument ch'els èn entrads en scola èn en in pèr gronds purtaders da scola vegnids scholarisads en classas d'introducziun separadas fin l'onn da scola 2012/13. Quai vul dir ch'els han absolvi la 1. classa primara en dus onns da scola. La finamira da la classa d'introducziun è stada quella da pussibilitar a las scholaras ed als scholars – grazia ad in temp da scola supplementar il cumenzament da lur temp da scola – suenter ina carriera da scola regulara.

Classas d'introducziun valevan sco classas pitschnas che n'èn betg pli previsas en la lescha davart las scolas popularas dal chantun Grischun dals 21 da mars 2012 (lescha da scola; DG 421.000) sco furma separativa da la scolaziun en il sector simpel da las mesiras da la pedagogia speziala. Tenor la legislaziun da scola vertenta stat-tan a disposiziun differentas mesiras da promoziun tar la midada da la scolina al stgalim primar. En il rom da la promoziun integrativa (PI) porschan ils purtaders da scola d'ina vart a las singulas scholaras ed als singuls scholars in sustegn individual da l'emprender ch'è accordà cun lur basegn da promoziun spezial. Da l'autra vart datti la pussaivladad da spustar l'entrada en scola resp. da restar in ulteriur onn en scolina, in onn che duai servir a l'uffant a madirar.

Ina reintroducziun da la classa d'introducziun pudess servir a promover singuls uffants en moda anc pli adattada als basegns. La pratica da pli baud ha mussà, ch'ina part da las scholaras e dals scholars che han frequentà la classa d'introducziun, han

pudì dumagnar suenter cun success lur temp da scola senza sustegn da la pedagogia speziala. Sche la classe d'introducziun duai eventualmain puspè vegnir introducida, vali però er da resguardar in pèr aspects ch'èn resultads pervia dal context ch'è sa midà. D'ina vart è la grupp en mira, per la quala l'anteriura classe d'introducziun è stada ina buna mesira da promoziun, pitschna pervia da las mesiras da promoziun alternativas ch'i dat ozendi. Uschia na tutgan las scholaras ed ils scholars cun flaivezzas parzialas da la prestaziun u cun difficultads complexas d'emprender e da cumportament, tals cun scolaziun speziala integrativa sco er tals che han in basegn da promoziun, perquai ch'els èn da lingua estra, betg tar la grupp en mira d'ina nova classe d'introducziun. Els tuts han il dretg d'ina instrucziun en ina classe regulara cun ina promoziun individuala respectiva. Da l'autra vart po la classe d'introducziun esser in instrument adattà che amplifitgescha las mesiras da promoziun existentas. Però stoi vegnir fatg quint che questa purschida supplementara vegn a chaschunar als portaders da scola custs supplementars che n'èn betg mo marginals.

Sco mesira alternativa pudessan ils portaders da scola tranter auter examinar da manar uschenumnadas classas cumbinadas. Qua sa tracti da partiziuns, nua che la 1. e la 2. classe primara vegnan instruidas cuminaivlamain, quai che permetta a la persuna d'istrucciun da prender pli ferm resguard da l'eterogenitad da svilup da las scholaras e dals scholars cur ch'els entran en scola. En quest connex fissi d'examinar, sche mesiras pudessan vegnir prendidas entaifer las structuras regularas existentas per promover en moda adequata uffants che dovran dapli temp il cumenzament da lur temp da scola.

La regenza è pronta d'acceptar l'incumbensa qua avant maun en il senn da las consideraziuns. Cun examinar la reintroducziun da la classe d'introducziun sco er variantas da realisaziun alternativas sto en quest connex vegnir tegni quint tant dal basegn da promoziun spezial da las scholaras e dals scholars sco er dals basegns dals portaders da scola e dals custs che resultassan eventualmain.



En num da la regenza

La presidenta:

B. Janom Steiner

Il chancelier:

dr. C. Riesen